

7. Ich verordne 2 guldin ain gettrin (Bitter) für das sakrament Huz zu Gunters zu machen und 5 fl der genannten kilchen. Item verordne ain quartonen korn ewigs Zins sant peter uf den septnen. Item 15 fl umb ain taffel uf den Maisterletten altar zu Neambz ze machen. Item verlaß ich uff jettliche altar aller kirchen in der vogty Neambz ain pfund wachs an sare zu zugeben. Item ain Ewig nacht liecht in der pfarrkirchen Neambz uf minem grab zu Ewigen Zytten Zebrennen, das ich versichren und versorgen uff ain Jarlichen Zynß, der da gatt Jarlichen ab ainem gut in tuffencastner kilchspell gelegen genant byschana.

8. Item alle mine sarend hab, klaiden, klainetter, u. a. verordne ich sant Laurenzen zu Neambz ze ainem meß gwand, stoll und anders, das darzu gehörd und das beschläch und Hestli daruf ain stier zu ainem sacrament buchle och sant Laurenzen kilchen.

9. frow Urjula Mörin, miner libliche und eliche liebe mutter 100 guldin alder 5 fl Zins yer lebtage lang nach Ser notdurft ze bruchen; nach miner mutter tod sol min Huzwirt das han nach lut des gemechts brieß; nach Junfer Guberten tod sol es fallen an die Ewigen meß; das versichret uff ainem Fuchart acker genant klajaw nuff Dut.

10. Item verlaß ich min aigen Huz zu Neambz, das ich vormals gedachten Guberten, minem gemachell, Sin leben lang hab usgemacht, wenn er mit tod abgangen ist, geb ich mit ainem bett und bett gewand ainem capplon der Maisterletten altar zu Neambz zu siner Under Haltung, damit die pfund des selbigen altars deßter ee usgericht werde. Und mine liebe mutter Urjula Mörin lauß ich och im Huz beliben mit sampt und mit minem elichen Huzwirt Guberten v. Castelmure, und nach Trenu beden tod, soll es fallen ainem Capellan mit sollichem geding, das der selbig Capellan ze ewigen Zytten alle sampstac zu nacht nach der vesper uber min grab mit dem rochfas und wichwasser, da min und miner aller verwannten selen zu Hilf und trost ain miserere mit ainer antiphon, Versikel und Collect für die totten spräche.

11. Ich verordne Jan maisterletten ain Rh. guldin Zynß jarlichen, versichren uf ain acker genant klajaw nuff. Item dem Walter luna zwen guldin. Item 2 quart korn alle sare Zynß ainem meßner zu Neambz. Item miner liben Mutter Urjula ain som Win und darzu zwen guldin. Item Durigallen 1 fl, item Marken 1 fl, item Lazarus, wirt er priester, 2 fl, dem petrut, Jan hyminada son, och 2 fl, wirt er priester; miner häßli Anneli, Jan Maisterletten tochter, minen rotten Underrock; mines mannes mutter 4 fl und das us besunder liebe und truw, die sy mir bewist hatt ze allen zytten; dem Junker Paulin von Castelmure tochter ain sydine stuchen und ain paternoster das hüpschest, ain sibinen porten alder gürttel.